

حبيبتى حريبتى

وائل السيد سويدان

رقم الإيداع

٢٠٠٥ / ٢٢٤٦٢

الإهداء

كلام مش ف سرك بأدوب فيكى دوب
وما عرفشى حبي فى هواكى الغروب
ومهما ها أقولك وأعيد لك .. نهايته
خدى العمر مهرك وأنا مش ها اتوب

الباحث عن الحب

وائل سويدان

حبيبتى حريرى

حبيبتى حريرى . حقيقى وحشاني ..
ما قابلتكيش من زمن ما قابلتكيش تاني

* * *

يا حبيبتى حريرى

أنا خفت أكون مسكنك

شـرياني يوم يسـجـنك
بأمر قلبى الملك

ما تخرجيش تاني إلا لأحضاني

* * *

يا حبيبتى حريرى

سبتك لوج البحر

ولنور خيوط الفجر

لكن ها أقولك سر

مش لاقى إنسانى

* * *

حكايات تجيب حكايات

وحاجات ف قلب حاجات

وأكيد فيه شئ لو مات
هاكون أنا الجاني

يا حبيبتى حرىتى

لو كتى فين هالحقك
يا خدوكى منى أسرقك
نفسى تكون باعشكك
غنوه على لساني

عودى يا حرىتى

عودى لإنساني

* * *

جنون

عجيبك كلامي ع الورق ونسيتي
 إني وره كل الكلام مسجون
 إيش حال بقى لو قلت حبيتي
 هاكتب كلام ما بيتقراش بعيون

* * *

إتهدي هأسرح مع إحساسك
 وأكتب كلام يشبه دفا أنفاسك
 إتحمسي. هأبقه في نفس حماسك
 من يوم ما شفتك بس صابني جنون

* * *

الحسن جامع والجمال ممنوع
 وأنا لسه طامع بس طمعي خشوع
 حتى في صمتك شيء جميل مسموع
 يمنعني حتى إني أفكر أخون

* * *

أنا الملك وف إيدك انتي التاج
 شفتي الملك بقه قد إيه محتاج

كان قلبي قبلك صلب زي العاج
أما إنهار دا فقلبي طفل حنون

إيش حال بقه لو قلتي حبيبتى
هاكتب كلام ما يتقرىش بعيون

* * *

دو، ري، مي

دو . ري . مي . فاصول

ما بيكملش السلم

دايما عند الصول

يا حبيبتى بتالم

* * *

بفتكرك ف حديدك

وبيض غط على إيدك

وعلى الجلد صديدك

والكرباج بيعلم

* * *

والصول من تغفيله

فاكرك هتغفيله

إمته تردي جميله

وما يعرفش يسلم

* * *

الصول حبك حبسك

وحجب عنك شمسك

وإن سلمت لي أسك
 عمر الصول ما هي فهم

* * *

إتمردى على صـولك
 ف مدارسك وفـصـولك
 عـايـز أسـمع قـولك
 عـايـز ارجع احلم

* * *

خـدي كـلمـة حـريـه
 حـطـيـه هـا ف أـغـنـيـه
 خـلي الـلـحـظـه الجـايـه
 الأـجـمـل والأـنـعم

دو . ري . مي . فـاـصـول
 مـا بـيـكـمـلـش الـسـلم

* * *

إشارة مرور

إشارة المرور الوحيد بهيده

يمكن تكون خيال أو سراب

وحاجه جوانا غريبه وعنيه

عايزه تحقق شيء ولو كذاب

* * *

يا شمسي ليه عدتي ما بتدفيش

تكونيش نسييتي إننا بنعيش

كسر الغروب فيكي أمانيكي

والا حاولتي وبرضه ما وصلتيش

* * *

إنتي بتتكسري وإحنا بتتحسر

وفينا بتفكري وفيكي بنفكر

ساكنين دواير دايره حولينا

ونفسنا حلمنا لو مره يتفسر

* * *

فين لمة الأصحاب وفين همه

وفين قلوب رقصت بها النغمه

إغسل يا بحر دفانا جوانا
جوانا بدأت تعزف الضلمه

* * *

يا صحبة الشمس اللي كانت أمس
ما تسلميشي ولا تغرقيش في اليأس
نقدر نقرب مهما كان البعد
ما دُمتا لسه بيعضنا بنحس

رغم الإشارة الوحيدة البعيده

* * *

وأبدل

على بسكlette حبك المشبوه

رفضت أبدل جلدي وأبدل

إزاي أحبك وإنتي لابسه مايوه

وكان نسيج جلبيتك أجمل

* * *

مين اللي ذلك تقلعي البرقع

وتسيبي كل الناس دي تتمتع

ما اقدرش أشوف حلمي بيتقطع

وللشيطان يركع ويتوسل

* * *

سبناكي وألا نكرتي عشرتنا

كارهنا والا كرهتي دمعتنا

وحياة ما كانت بينا جُمعتنا

إيه اللي خليّ الشمس تترمل

* * *

شيطان دعاكي تدخلي الحانه

وقبلتي كاسه وإنتي بردانه

ليه من دفاكى بقىتى عربانه
ولىه شرىتى الكاس من الأول

* * *

ف إيديه توبك بس عايزك تبدئى
مدىلى إيدك م الشيطان إتطلقى
هرجع حبيبك قومى تانى إتذوقى
والا انتى عايزه الاحتيال يكمل

على بسكلته حيك المشبوه
رفضت أبدل جلىدى وأبدل

* * *

ليلة دخلتك

كل ما آجي أكلمك تديني ضهرك
تجري مني أو تخريشني ضوافرك
والمساحه الفاضيه بينا بتتملى
بنقار وشد . وتشتميني وأشد شعرك

* * *

تجننى وتروحي أوضه نوم بعيده
أكسر عليكى الباب الأليكي وحيديه
تتموتي.أخذك في حضني يا عنيديه
فجأه أكتشف إنني يا دوب واقع في أسرك

* * *

وساعات بتبقي طيبه وساعات حويطه
وأحترار أنا أضرب دماغى في أي حيطه
أنوي أفتلك القاكى مخلوقه بسيطه
خايفه ف ليلة دخلتك ما أدفعش مهرك

* * *

استحملك أخذك ونقعد في الصالون
وأدلك وأهدى نفسى بكاس لمون

وتضحكيلي أبتسم وأقول سلامتك م الجنون
بيدا خناقنا من جديد وما جيش آخرك

* * *

مع إني دائماً باسمعك نفسي اقنعك
إني كمان زيك وقادر أخدعك
هتقولي إيه وأنا بكتبك لو أقطعك
أوعى تقولي إني جبان وفضحت شرك

مش كل مرة هتقدرى تدينى ضهرك

* * *

نهار مؤجل

في مساحه فاضيه على ورقه بيضه
 قعدت أصرخ مالتشي صوتي
 وكان خوفي أصبح فريضه
 خوفني وحشتي من عنكبوتي

* * *

برجلت نفسي ومسكت برجل
 رسمت شمسي على شط أجمل
 لقيتني با رسم ف نهار مؤجل
 محتاجني أجداول ديون سكوتي

* * *

بكيك لحالي علي عرض حالي
 إزاي مساحه تحبس خيالي
 وما جاش ف بالي إن اکتمالي
 هريان معايه من بطن حوتي

* * *

ناديت عليك وخلفت ظني
 بعدتني تاني . هربتني مني

مع انى جايلك بلبس مدنى
لمحت برائتك يا حبيبتى سوطى

* * *

نفسى أشخبط من غير ما احاصرك
نفسى ف قصيده تفك أسرك
أجمل ما فيكى يا حبيبتى فجرك
وأبشع ما فيه دلوقتى موتى
ف مساحه فاضيه على ورقه بيضه

* * *

نقطة جدل

وانته ما بين دينك ودينك تعمل إيه
 أسهل سؤال باستصعبه وبأحسن بيه
 وما بين قوسين إتخط كل الموجهين
 ضميري قال : وجعك Made In U.S.A

* * *

هتربى دقن تبقى إرهابي عدل
 تحلقها تبقى حرامي لازم تعدل
 إتجن مين أو مين عقل نقطة جدل
 العقل قال : عبد الله غير عبد الجنيه

* * *

عجزت وزارة معدتي عن سد جوعي
 قامت مظاهره بين حشايه وبين ضلوعي
 أعلن وزير أمنى اعتقال كافة شموعي
 والتهمه نوري شيوعي . متدين . نزيه

* * *

المخبرين جوايه قفلّم كل باب
 ممنوع عليه أمسك قلم وأفتح كتاب

أضحك في سري وأسب لولاد الكلاب
أرجع ألوم نفسي أقول بتسب ليه؟!

* * *

وانام أشوف ف الحلم قال مخبر طخين
عمال يزود ديني ويغطيني دين
البس عباية الدين وأشمر له الإيدين
القاء يموت م الرعب وأنا بضحك عليه

* * *

وكل يوم أسألني عامل إيه في مرضي
أقيس حرارة ثورتى وأقيس ف نبضي
وأتمنى يبقه ضميري ده له بُعد مُعدي
وأكون إمام المجوعين أمام نظام U.S.A

* * *

ستائير ليلى

ف دولاب أفكاري المتلغـفـن
 بين شماعتين حلمي وجبني
 قـمـعـدـت أرتب واتمسكن
 مش عـارـف أورت إيه لابني

* * *

تي شـيـرت نهاري المتكرمش
 جـلـابـيـة بكره اللي إندروش
 أديله كوفية ما يهـمـش
 يلبسـهـا لكل اللي غـصـبـني

* * *

جـرـفـتـه يومي المربوطه
 على كل دقـايـقي الموروطه
 أديله الساعه المضبوطه
 علشان يكسرـها ويخسرني

* * *

وتفوت الساعه ورا الساعه
 وأنا بين شماعة وشماعة

والبدله اللي قماشها شجاعه
بطانتها تقيله بتوجعني

* * *

أتمسك وأنا بين هلاهيلى
أتكسر وأشد ف حيلي
أنداره ورا ستاير ليلي
أتعب أفكاري وتتعبنى
بين شماعتين حلمي وجبني
مش عارف أورث إيه لابني

عفن

يا كل فارس عاش مالوهش حصان
يا كل شاعر مات بفعل العفن
قطعوا لسانك قوم وهاتلك لسان
حتى ولو عمرك يكون التمن

* * *

ارسم حصانك ع الورق وإركبه
ما تأدبوش بالسيف بشوق أدبه
وحذاري غيرك يغصبه ويرهبه
أو يجبره ينهار بفعل الزمن

* * *

ارسم حصانك عربي رقعته ونسخ
ما تخليهوش للخوف يا صاحبي ينخ
الخوف شيطان عمال علينا يجخ
تقبل يا صاحبي إنك تطاطي لوثن

* * *

إعرف عدوك واعترف بالذنب
عمرکش شفت حصان يخاف من كلب

العله فينا رصاصه جوه القلب
طول ما الدياته بتعوي والخوف وطن

* * *

لبست ليه بدله إنجليزي ياييه
إزاي قدر كراباج يشدك ليه؟
إبس كمان أو قوللي آخرتها إيه
يكونش حلمك يبقه خوفك كفن
يا كل فارس عاش مالهوش حصان

* * *

ف لحظه

ف لحظه جمععتني الصدف ويايه
 وشفت نفسي ف نفسي مش في مرايه
 وخفت مني خفت من سجنني
 رغم إنني شفت السجن جوايه

* * *

لقيتني باوصل ضحكتي بدمعتي
 وأداري قسوة شكوتي بصرختي
 لأنني مني إن نلت حسرتي
 هاكون بديت الخطوه بنهايه

* * *

بكييت على يوم انتهى ما رجعتش
 وناديت على بكره ما يتأخرش
 وخفت من بكره ما يتغيرش
 عنيد أنا وعنيده دنيايه

* * *

يا دنيا حلوه باشوفها إنسانه
 أعشقها تعلق تاني لشيطانه

غلطان في حـقك وانتي غلطانه
إزاي عشقتك وانتي نسايه

كرهت لحظة صدقي مع نفسي
لأنني ما ضحكش على نفسي
لكن أكيد تاني هأقول نفسي
أعرف حقيقة سجنني جوايه

* * *

سندوتش

حبيبتى ف سندوتش الفول
 لقيت الغول مبرق لي
 شوفيه. قولي إني مش مسطول
 أو الغيلي بقيت عقلي

* * *

حبيبتى صدقي الفكره
 وإوعى تقولي مش قادرة
 يا خوفى ألتقييه بكره
 خرج م القدره زعق لي

* * *

تكونش القدره مهجوره
 تكونشي الفوله مأجوره
 أكيد فيه زاويه مسحوره
 عن الرؤيا وعن جـهـلي

* * *

بلاش جـدـلك ولا جـدـلي
 خديك قطمه من فضلك

ولو سيطر على عقلك
أكيدها أبكي على فشلي

* * *

حبيبتني وانتي مشلوله
بلاش تبكي لي بطفولته
وفوقي وافهمي الفوله
لأن الغول مبرق لي

* * *

نادیت تاریخی الی اتهبش
یخرج بسیفه من التابوت

* * *

حاربت وصرخت وقاومت
لقیبتى ف الحلم إنتصرت
آمنت إني إن يوم غفلت
هأفـضل مُكبل بالسكوت

زى الوطن - زى البیوت
وارجع أدور عن وطن

* * *

ولما كملت السطور
لقيتني لسه في أولك

* * *

دورت عن نصر أكسبه
ضاع الكلام وأنا بأكتبه
أخبر طلب أنا هاأطلبه
إديني فرصه أكملك

* * *

أعلنك إن إنتي الوحيدة
اللي هزمتيني ف قصيده
وإني معاك يا عنيده
عرفت أقول كشيت ملك

* * *

مسقط النور

في مسقط النور الوحيد الذي باقى
 زرعت إشتياقي ف شلية أمل
 ببص في مرايتي مسكت ف خناقي
 وشففت الحقيقه بكيت م الخجل

* * *

لقيتني مجرد خيال للمئاته
 برتبة مواطن لكن بإستماتاه
 ورغم إنكساري باموت ف الغتاه
 وأشوفني ف حلمي كآني جبل

* * *

حبيبي يا واقفه إنتباه بالوراثه
 وفارضين عليه وعليكي الحراسه
 ما فكرش قلبك يشيل الرصاصه
 ما فكرش يقلع عباية الكسل

* * *

أنا نفسي أسيبك ونفسي أحضنك
 وخايف تجيني ف منامي أسجنك

وما أعرفش ليه من زمان بأدمنك
ولا حتى مين اللي فينا اتقتل؟!!

* * *

باحبك ومرغم ساعات أقتلك
وبأكره حركتك كده بزميلك
لأن اللي تحببل وتولد ملك
ما تزرعشي فيه حيطان معتقل
ف مسقط النور الوحيد اللي باقى

* * *

محكمة ما اعرفش

في محكمة ما اعرفش
 في تاريخ ما يتكررش
 دافعت أنا عنك
 والقاضي ما يتأثرش

* * *

أثبتت وكيل النيابة
 إنك زعيمه عصابه
 مثلتي دور المصنابة
 وركبت زور ف النعش

* * *

ببصلك في القفص
 شبيهه عليه الحرس
 من صدرى هرب النفس
 ناديت عليه ما سمعش

* * *

قررت أعيد المحاولة
 صرخت فيهم يا جهله

مش سهل إعدامكو دوله
ولا سهل أخضع وأكش

* * *

ف لحظة مال وإتعسوج
مسيزان عدالة الهسمج
وف نفس حلمي السممج
تاريخ حبيبتى ما متش

ف مـحكمة ما أعرفش

* * *

هامش عمار

على شفـتـينـك بقايا جـمـل
 وحرفين مقاومه وهامش عمار
 وزغم إن جفـنـك بحزن إكـتـحل
 لقيته بيحلم بحفنة نهار

* * *

ورسمـيا إنـتـي بعلم الجناة
 تيبس وريدك فارقتي الحياه
 ولما انكتبـلك شهاده وفاة
 لمستك لقيتك رفضتي الحصار

* * *

وفكيت جبـيرتـك وحركـتـي إيدك
 وطلعتي صدرك يرضع وليدك
 ودوب وليدك بقايا جليدك
 حبلت عساكر وفرسان كتار

* * *

في لحظة ولادتك سمعت الأذان
 وقرآن يقره يهز الكيسان

وبإيمان ولادك بقالك كيان
وردد لسانك أغاني إنتصار

* * *

دا حلمي اللي بأتمنه تكبر كفوفه
ونفسي ف أرضك تفرع حروفه
حبيبتي هتديني فرصه إني أشوفه
وألا إكتفيتي خلاص بالحسمار
على شفقتينك بقايا جمل

* * *

استضافه

نفسی ف دعوه من عنیکی أو استضافه
 نفسی ف نظرة عشق مش نظرة صحافه
 نفسی ایدیکی الطیبه تلمس ایدیبه
 ما تقفش ع الشط البعید زی الخرافه

* * *

عاشق جمالك وإنتی أجمل من جمیله
 یا أسطوریه وهلامیه وممكنه لا مستحیله
 جایلك علی حصان الأمل من ألف لیله
 لیله خفتی منی وإنتی مش خوافه

* * *

أنا الملك وقلبی كل ما بأمـتلك
 ومن زمان قلبی خرج یستقبلک
 شفتک مدینه حب قمت إشتقتک
 وإنتی لنور الشمس برضه إضافه

* * *

یا طفلتی وأغنیتی وحرف عمري ما بأكتبه

حتى العذاب منك بقیت بأستعذبه
حبیت عنیکی إزای وهمه ییهربوا
نفسی أكون ف عیونك الشفافه

* * *

أبيض واسود

أبيض واسود والا بالألوان
شففتك بعيني يا منى عيني
إنتي حقيقته والا حلم وكان
رافض يععيش أيامي وسنيني

* * *

مين اللي قالك رضعيني وجود
مين اللي قالك إنني مش موجود
لمي صباكي وإزرعيني بارود
وإتلوني ف عينه تحييني

* * *

عندك ملايه بانام عليها ما أخافش
أتغطي ييهها ألقاها زي الرمش
حضنك ملايه والا حضنك عرش
ما بخافش منك لو قتلتيني

* * *

عايزك يا صايره تملي من دا الصبر
وتفكي أسر البندقية الحبر

نفسى أصـر المر وأرجع حـر
أرجع لحـجـرك وإنتى ترقـينى

* * *

نفسى أحضنك واقع ما فيهش خيال
نفسى ما ييقاش كل حالى سؤال
وبرغم خوف الشمس م الإغتيال
الضلمه أبعد من شرابىنى
إتلونى ف عنيه واحيينى

* * *

المحطه

نزلت حبیبی قسبلی بمحطه
وما سلمتس علیه وما حاولتس
نزلت حبیبی ونسیت الشنطه
وفضلت أنادی علیها وما سمعتس

* * *

فی أول الشنطه لقسیت فستان
باين علیه من العریس هربان
هیة اللی هربت وألا أنا اللی جبان
شفت العریس قررت ما اتقدمس

* * *

قدرت حبیبی تفهم اللعبه
رغم الكلام الخلوم الخاطبیه
عرفت حبیبی تفسخ الخطبه
أو حته قدرت إنها ما تخونس

* * *

عرفت بجد تصحح الغلطة
رفضت صباها يكون لها ورطه .

وبرغم شيبها قاومت الماشطه
ويا ريتنى زى حبيبتى ما أتورطش

* * *

إزاي قدرتى تشيلى بإيدىكى
همى وهمك واللى حوالىكى
لساها صورة وطنى فى عنىكى
وإزاي بصورة وطنى ما أتأثرش
نزلت حبيبتى قبلى بمخبطه

* * *

عقدة عقل

فكرت أعيد فيكي النظر تاني
وأرفض تعري الصدر ف الضلمه
إزاي عشقتك وإنتي عشقاني
وحبيبتي طالبة رصاصه الرحمه

* * *

ما أقبلش أشوف أحلامي فيديو كليب
أو انتفضلك وأنسه إنني أديب
مليت من الغربه وم التغريب
ورفضت تبقي صاحبة العصمه

* * *

بيني وبينك ألف عقدة عقل
الشمس حلمي وإنتي عاشقه الضل
وعيون حبيبتى لسه فيها الكحل
لسه بتخجل لما أقول كلمه

* * *

نهدين حبيبتى مليون برصاص
شفايفها طاهرة مالمستش الكاس

إدینی فرصه أعشقها وبإخلاص
ما أقدرش اتتهه لما أقول يا أمه
لازم أعید فیکي النظر تاني

* * *

عصافير الجنة

الشارع ما فيهوش ولا سور
 مههدوده كل الجدران
 طيارتي زي العصفور
 بتطير بورقها السلوفان

* * *

وحبيبتى بتلعب وتتفرح
 بتسرح ضفايرها وتسرح
 حوالينا الياسمين ييسفتح
 والكوره ف وسط الصبيان

* * *

مين قطف الياسمينه وخاننا
 مين خطف الكورة اللي ما بيننا
 من خوف عصافير الجنة
 وإداها لبنت السلطان

* * *

مين قص ضفايرك يا حبيبتى
 مين وقع م السما طيارتي

مش كنتي عشاني إتزوقتي
إيه خلي جسمك بردان

* * *

وأحلفلك صمتك صحاني
فكرني ياسمى وعنواني
وإن حبسوا ريشتي وألواني
هافتك مع كل أذان

والشارع ما فيه هوش ولا سور

* * *

إقامه جبریه

ما بین خیال الضل والأراجوز
 بأحس همی شیخ کبیر وعجوز
 إزای عرایس قدروا يتحركوا؟!
 وأنا اللی تایه ف إحتمال ویجوز

* * *

من سـجني باخرج وأنوي أتمشي
 ألقاني بأرجع خوف من الدوشه
 مجبر بنكته أغطه وأتعشه
 وأضع هزيمتي والمقام محفوظ

* * *

وأصحي على صوت فكرتي فيه
 رافضه تكون إقامتها جبريه
 أمسك مرأية حلم مرميه
 أشوفني حتى م الحياه مجعوز

* * *

شفت ف قميص الصبح بُعِبُ سكن
 جيت أنفضه لقتيه هوه الوطن

صرخت صرخة خوف وصرخة شجن
وسألت نفسي ليه بقيت مهزوز؟

* * *

إختل عقلي وإنتهيت محتل
وقتلني ذُلي ف إختيار السهل
ونهجت حتى م القعداد في الضل
ما بين خيال الضل والأراجوز

* * *

بنتوه ساعات

بنتوه ساعات . وبعد توّه بنتفكر
 إن الماعات فانت علينا من سكات
 ترجع نتوه وكأنا في حاجه ماسه لنفسنا
 أو نفسنا نلقه اللي ضاع من عمر فات

* * *

الرحله تبدأ والطريق مفروش بورد
 الرحله تخلص والطريق مفروش بورد
 والحلم يكبر طول ما جسوه القلب نبض
 لكن يفضّل حلّنا مش لاقى غد

* * *

وما بين سحاب في العيون وما بين سحاب ف السما
 قلوبنا صبحت حصون ما فيهاش مكان للنما
 لا الشمس قدرت تكون ولا إحنا عشنا إنما
 جوانا شئ مجنون نطلع ولو سلمه

* * *

بنتوه ساعات والساعات علينا محسوبه

حاله

بينني وبين الفلسفة
 رحلة صداع ما بينتهيش
 ف مدينة مش متعسفه
 ممنوع عليه اني أعيش

* * *

الشعر حاله هتقتك
 العقل جسر يوصلك
 حاولت أمشي بدميلك
 لقيتني صلب ما بنتيش

* * *

وأنا بين جنوني وأفلاطون
 قررت أكون أو لا أكون
 أنا طير على كل الغصون
 رفض الحراسه من شأويش

* * *

وحروفي طب الموجوعين
 ولحاف يغطي الباردانين

حلمى ككل المظلومين
تكون مديتك دي ما فـيش

* * *

باب المدينة الفـاضله
وراه بلاوي مـتلتله
تعرف إيه هـيه المعضله
إنك جریت ما لحقتيش

بينى وبين الفلسـفه
رحله صداع ما ينتهـيش

* * *

براح عنيكي

ف عنيكي بس باحس إني باتحـضن
 وباحس إني سنندباد
 بافتح جميع البوابات ألقه الوطن
 واسمي في شهادة ميلاد

* * *

وبراح عنيكي ضد أزمات السكن
 ضد البكا وضد الشجن
 من غير بطاقه أو طابور بلقه اللبن
 بيلاش ومن غير اعتماد

* * *

وقريت ف نك « قل هو الله أحد »
 وبدأت أفهم واجتهد
 وحاولت أعيش في عنيكي وأفضل للأبد
 ومسكت ديل جلبيتك أنا والولاد

* * *

غمضت عينك عني ما لقتش الحياه
 مسكت قلبي وقلت آه

كتتي الوطن يا امه ودوختي الطغاه
دلوقستى انا ووطني ف مـزاد

أرضة الحزين ما فيهاش ولا كيلة دُرة

ما اعرفش ليهه بأمشي لوره
جابوا البشاوره وحاولوا مسح الذاكره

أعلنت لحظتها الجهاد

صـرخـت وناـديت للوطن

لكن قوليلي إزاي هيحضى وطن

* * *

إعدام

مُعْـدَمٌ ولايس بدلة الإعدام
 من غير محاكمه إلا على الأحلام
 وقلبي كان هربان من الأشكيف
 وف حوضن غبول سلم وعمض . نام

* * *

الغيم كسا شمسي وغلفها
 عصبٍ عنها وباس شفايفها
 صرخت لا حد سمعها ولا شافها
 تعبت غُنا . هربت لنفس المقام

* * *

العصر عصري . وعصري مش ممنوع
 وحبيبتي على شالها دموع وشموع
 حتى الألم كانله زمان مرجوع
 دلوقتي جوع وإشبع دموع وآلام

* * *

يا حبيبتي شيء جواكي زي إنكسر

ولا انتى نقطه فى بير عليه ميت حجر
خسايف لـ مالقلكيش وجود أو أثر
أو قولى خسايف تطلعي أو هام

* * *

محتاج بإيدك تمسحي دمعستي
وأخاف لزيئ تلبسى بدلتى
وهتني أقول فينك يا حريتي
يا ضحكتي المسجونة من ألف عام

* * *

ضهرک المحنی

وإتبی علی طشت الغسیل قاعده
 ودمع عینک حاضن الرغسوه
 تدعک إیدیکی الهم والشده
 تغرق کأن الطشت فیہ «نوه»

* * *

والبقعہ بتزید کل یوم عن یوم
 والجرح محتاج طن مکرکروم
 إزای قدرتی والوطن مفروم
 تغلی الکفن وتکتیمی الشکوی

* * *

لیکی زمن یا صابره ع الحال ده
 تفکی عقده تلتقی عقده
 وجع الضلوع مجموع فی مسوده
 والصبح شایب والخضوع بلوه

* * *

باتداره خوف لعینکی تلمحنی
 وتمدی إیدک تمسکی کفنی

كان نفسي أعالج ضهرك المحني
بس انتي خدتي خلاص على الخلوه

* * *

حاولي عشاني تخرجي م الأمس
وشوفي همك بس تحت الشمس
قومي معايه بس قومي بحرص
استقوي بيه ويكي هاستقوي

دا الصبح شايب والخضوع بلوى

* * *

الزیشه والألوان

مالیش عنوان . أنا بعدك مالیش عنوان
 أنا بردان ما بين القرب والنسيان
 ومالیش ذمب في هواكي ومش هانساکي يا ملاکي
 زمان مش من زمان جداً . خلدتني عنیکی بالأحضان

* * *

على إيديکي عرفت أحب . عرفت أعشق بحريه
 جاوتی ع السؤال الصعب جاوتیني بحنيه
 مسحت من عیوني الحزن وعلمتيني أغنيه
 أعیش وأتعلم الطیران أكون عاشق بلا شطآن

* * *

وأنا تايه . قابلتيني . قبلتيني وعلمتيني كافة شئ
 بنظرة عين بتحیيني وتحمینی بقلب رقيق
 ومش عارف أنا فيکي بدوب والا بغنيکي بقيتي طريق
 ولما أعطش تبلي الریق لقيت ف وجودك الإنسان

* * *

وقبلک عشت أنا سلطان ما كانلیش في الهوى دستور

جنايني من بنات الحور وعرشي من زهور وعطور
 سطور العشق تكفسييني وتكوني حروف وسطور
 وجيتي إنتي ملكتييني سحرتيني أسرت الريشه والألوان

* * *

قوليلي المستحيل ممكن هأكذب روجي علشانك
 لكن نبعد . ده مش ممكن عشان عنواني عنوانك
 أنا اللي شريت من شهديك وأنا اللي إخترت إدمانك
 بقولك لاء ولا يمكن أعيش بعدك بنص كيان

زمان

زمان مش من زمان زمان جـداً
 خـدتني عنـيكي بالأحـضان

* * *

رقصه الحياه

بيئتي وبينك دوامات وبحور
بينك وبينني ألف باب مسحور
وساعات كتيره ييمتلكني اليأس
ومعاكي بس بلاقي للشمس دور

* * *

الكتز كنزي بس حاسس بعجز
فيه ألف مارد قبل باب الكتز
أول ما أشوفك قلبي يتهز هز
ألس كقوفك أتمنى أكون عصفور

* * *

سفن التجاه بيننا وبينها بلاد
والموج عنيد وفينا نفس العناد
« رقصه الحياه » ضمتنا لحظة ميلاد
وف ضمه ضلمه فين نلاقي النور

* * *

يا حبيبتى يا أسهل كتاب باقراه
ولا حد غيري يوم فهم معناه

إنّی الحیاة معجونة بالمعناه
وألا الأمان فیکي مألّش جذور

* * *

یا حبیبی لیه عاشقک ولیه بلعناک
مین اللی منی من زمان مکنک
سکتی فییه إزای وأنا باسکنک
رغم إن بیننا ألف سور مش سور

* * *

جراحة تجميل

خبير ف جراحة التجميل
ونفسى أشيل لك تجاعيدك
وأجيب أجنه وأجيب أزميل
واكسر خوف مواليدك

* * *

حبیبتى مشرطى طيب
يـجـرح بس ييطيب
وعايزك ما تقوليش طيب
للسون أصفر على خدودك

* * *

حبیبتى ما تكتميش نفسك
سببه يطغى على بأسك
ولو غيرى عشق خرسك
حروفك لسه فى وريدك

* * *

عشاني غمضي عنيكى
 سببىنى أدخل حواريكى
 أصحى اللى اندفن فيكى
 واستأصل عمى عيدك

* * *

ساعتها هترجعى شابه
 وترتاحى من الغـربه
 وألم الأهل والصحبه
 عديتنا نبوس إيدك

نكون أجمل مواليدك

* * *

شلل نصفي

أنا مكسوف أوي منك ومش مكسوف
 هأقولك إيه . . ما خدتش من زمان مصروف
 حاولت إني أشترى نفسي كتير تقسيط
 قالولي عيب . . وما عرفتش تجاري الخوف

* * *

طب أعمل إيه . قوليلي إتي وأنا هاسمع
 أنا من عمر ما شبعتش ويمكن م الكلام أشبع
 ربطت حزام على جوعي لقيت الجوع بيتمطع
 بيعصر معدتي بإيده بيعزف والوتر معروف

* * *

حاولت انطق أو العب رست مع ألي
 يا دوب بيدأ بدأت التتهته في إسمي
 وأنا جلدي على عضمي كتب قلمي
 أصاب حلمك شلل نصفي أو الغضروف

* * *

وكتي زمان بتسقينني اللبن بالقسط
 ود لوقتي أنا بأحلم وبتنفس ولبس قسط

قوليلي مين كشف جرحي عشان يتلط
ولو مش شايفه هأدعيلك سلامة الشوف

* * *

هيرضيكي إني أموت خايف ما ليش ديه؟!
هيرضيكي أعيش تايه ومش لاقى المعديه؟!
وأنا اللي رضعت وإتكرعت وإتقطعت حريه
وأنا اتعودت علشانك أثور وأخرج عن المؤلف
أنا مكسوف أوي منك

* * *

قلبي انخطف

مسموحلي أقرب للجمال ده وأدوب
وأدخل دروب حسنك وأتوه فيها
صعب أوعدك لو تمنعيني أتوب
وانتي ف عيوني الدنيا وما فيها

* * *

أول ما شنيتك نبض قلبي إختلف
يا لؤلؤه رفضت تعيش ف الصدف
بأحلف لقلبك إن قلبي إتخطف
حسيتي بيه يا نديمة الروح

* * *

نفسى بأنفاسي بإحساسى أقربلك
واطوي التساريخ اللي إنكتب قبلك
هتصدقيني أنا مني بهرب لك
علمني حبيك إنني أعيش بوضوح

* * *

أنا عشت قبلك كام حكاية عشق

لكن معاكى إنتى باحس بفـرق
إنتى مىلاد قلبى يا لحظة صدق
وأنا اللى قبلك عاش طيب مجروح

* * *

مسموحلى أقرب للجمال ده وأدوب

* * *

خبر عاجل

خبر عاجل .. وما يهמש ولا عاقل
 خبر عاجل . وقبل ما يسأل السائل
 بنفسى بحشت عن نفسى
 وقررت إختفاء وائل

* * *

وخليكواف أمـاكنكم
 وأنا منى هامكنكم
 ومش عايز عزا منكم
 ما أنا المقبول . وأنا القاتل

* * *

يا ناسى المزروعين أحـزان
 يا ناسين إن أنا إنسان
 عزائى ما كانش فى الإمكان
 ألا قـيلكم إمام عادل

* * *

دافعت بشعري عن قهري
 وشلت الحمل على ضهري

لقبيتني لمستحيل باجري
مشاعري إدوها لمقاول

* * *

وكان أول قرار هدمي
وسلب الخلم من دمي
وقبل ما ينكسر قلبي
كتبت إن الجميع جاهل

* * *

وسبت رساله يا حبيبتى
سألتك فيها ليه خنتي
وناسي مقررين صممتي
ليه ما حاولتيش يعيش وائل

* * *

لین عظام

رافضك تكونى يا حبيبتي فراشه
 وإنتى فراشه إزاي تقاومى النار
 رافض يصيبك لين عظام وهشاشه
 وترقصى . ورقص القوادم عار

* * *

صعبان عليكى الإستيطان ف الوطن
 ف مخيمات اللاجئين من زمن
 خليكى فأكبره إن التاريخ مش وثن
 بكره هايفتح باباه للزوار

* * *

حبنى يا أجمل وارق حبيبته
 وما تدفعيش علشانى أى ضربيه
 رافضك تعيشى أى لحظه عصيبه
 أو يوم تشدى ع الحقيقه ستار

* * *

خليكى صلبه وإكسرى الطبله

وما ترقصيش وانتي على القبله
جاي أخطبك وجايك الدبله
بلاش معايشه وعيشى للثوار

* * *

مریمیه

یا مریمیه تاریخ ما إتسنشاش
یا مهد عیسی حینا ما إنتههاش

* * *

ولو الصهاینه إتفقوا علی موتک
مهما إن علی صوتهم علی صوتک
لا إنتی ولا إحنا هانرضه بسکوتک
لسه الکلام بالدم لسه ما إبتدش

* * *

کام طفل ماتوا وکام یا قدس إیتموا
کام أرمله إنتصرت لحلم بتسحلمه
کام شاب حلفوا للخطر يتقدموا
جریوا وره حریتک ما لیقیوهاش

* * *

وإزای قدرتی تقابلی دانه بهجر
دی فلسفة وألا تأنی وحنذر
یا حبیبتی جوای وحوالیکی خطر
فیه حاجة عندک لسه ما عرفنهاش؟

إتكلمي . دقي يا قدسي الطبول
 إتكلمي خلي مآذنك في الجوامع تقول
 قوليهآ كلمه ، وإنتي قد القول
 عربيه كوني وما تضيعيش ببلاش

* * *

يا مريميه إحنا معاكي أكيد
 الله معانا ووعده لينا أكيد
 واللي الصهاينه بيقولوه تهديد
 ولسه نور الشمس لسه ما انطفاش

* * *

لقني قلبي الشهاده

ما تكونيش قصه مُعاده

تغمس الموت بالولاده

لما أموت علشان عيونك

لقني قلبي الشهاده

* * *

طفلتي المفطومه غصب

واللي مله ماش أي ذنب

رضعيوها بارود وحرب

بادو أحلامك إباده

* * *

لسه لبن الصدر دافي

رضعي بتي القوافي

باعترافك وإعترافي

بنتنا أحلى إنتفاضه

* * *

إجمدي وخليكي صلبه

ما تسببش الشوق ف غربه

وإن لقيتني فإيدي حربه

علميني إنتي الإراده

* * *

قومي وضميني وسبيني

لخطوتي تسبق حنيني

وإن عرفت تحصليني

حصليني بالشهاده

لما أموت علشان عيونك

لقني قلبي الشهاده

* * *

بين الضحك والنهنه

ما يكفينيش فيكي الحياه كلها
يا ضحكك حلوه عمري ما ضحككتها
عندك شجاعه تدافعي عن حبي
حتى ولو نص الدفاع تهتهه

* * *

غرقان عطش ومن العطش بردان
عنواني بيت ف بلاد بلا عنوان
ومعاكي بس حلمت بالإنسان
وضعت بين الضحك والتهيتهه

* * *

أول طريق أمشييه ما احصلهوش
لا بالورود ولا بالوحوش مفروش
عرفت فيه كل اللي ما عرفتوش
ندمت ع اللحظه اللي أنا عشتها

* * *

مدن الجمال مسكونه بالأشباح
وألا الفشل له نفس طعم النجاح!؟

معقوله ييقه الحمل زي السفاح
كدبت كدبه وأنا اللي صدقتها!؟

* * *

يا خريطه سهله وضعبه وساعات حويطه
وساعات باحس إن إنتي ساذجه وعبيطه
آسف لأنني كنت شايفك بسيطه
آسف حقيقي إن دوري انتسهي

* * *

خمسه وخميسه

كرباج يا نور الشمس بتلسوع
 كرباج يا برد الليل وفيك بُع بُع
 بين الحقيقه والسراب ميت باب
 وكل ما افتح باب بيتشمع

* * *

الحق كان منسوج بنول جدي
 والحلم كان متقاس على قدي
 إزاي قويت أشتال سلاح ضدي
 وندهت حلمي لقيته ييفلسع

* * *

كان يا ما كان أبو رجل مسلوخه
 أكبر شبح في حكايه منفوخه
 دلوقتي حتى حقيقتي ممسوخه
 أطرش ف زفه وبيقولوله إسمع

* * *

الشمس فرشت وحشهاف ضلي
 والليل مراقب شوقي بالملئ

وأنا بين مسافة جررتي وجهلي
فضلكت أشد لحافى وأكوع

* * *

ما اعرفش حاصل خمسة كام ف أربعة
ولا ليه طقيتي إتشقبت قبعه
وأشوف عقارب ساعتى متسرعه
أحلف عليها لتمشى تالكع

* * *

خمسة إلا خمسة ضربت تغليه
خمسه وخمسه خمسه وخمسه
مليون يهوذا ييجروا ورا عيسى
وعيسى رافض يضرب المدفع

بين الحقيقه والسراب ميت باب
وكل ما افتح باب ييتشمع

* * *

القله والأبريق

يا حبيبتى نهر الحب ليه إتقطع
تكونش حاجه سدت الخرطوم

وإزاي هاحبك وإنتي فيكي الطمع
وإزاي يا غاليه هانوي عنك أصوم

* * *

ليه يبقه بيني وبين جمالك سد؟
ليه بسألك وما بلتقيش الرد

بكيت عليكى طب قوليلي « سد »
يا حبيبتى إيه مع تعبش جفنك نوم

* * *

نشفتي ريقى وزهقت فيكي زعيق
وعصرت قلب القله والأبريق

علم صدا الأبريق في رمل الطريق
واتصحر الإحساس وفرحوا الخصوم

* * *

يا حبيبتى قومي عشاني من غفلتك
قلبي الشراقي اشتاق لحنيك

یا حبیبتی أنا المفظوم علی قُلتک
جسایک تنادی معایه ع المرحوم

* * *

نادی لنهرك لسه أنا بأعشقه
ولما باسکت ف السُکات بانطقه

ده حقی فیکي وغیری جای یسرقه
من حقی أدافع عنه لو بالدوم

* * *

عاشق كسول

بتوحشيني بس ما أقدرش أقول
 وهتظلميني لو قلتي عاشق كسول
 أنا الخريف وانتي الربيع ف بدياته
 لاء فيكي مجموع حسن كل الفصول

* * *

ما انكرش إني طمعت . فكرت فيكي
 قسريت منك . مني خفت عليك
 وإزاي مغطى الرمش شمس عنيك
 إزاي قوليلي أوصف شفايفيك دول

* * *

جُمل الجمال فيكي دعتنني أعزفك
 خافت حروفي وخفت جد أوصفك
 مههما عشقتك صعب إني أنصفك
 بيني وبينك ألف باب مسقفول

* * *

كبرت ملامحي وبانت التجاعيد

وانتي صباكي زي بدر وليد
سبيني أحبك من بعيد لبعيد
ضميني لحظه بس من غير ما أقول

* * *

دبل الياسمين

شايـف صورـتك قـدامى

وانـتى بـتـجـرى وـره الشـمس

قـصـدك تـلـعبى وياها

وتـلمى خـيـوطها بـحرص

* * *

غـنوة أمـك جـواكى

الشـمس دى سـر دفاكى

وجـرىـت من شـوقى وراكى

بـس ما طـلـعتـش الشـمس

* * *

طـلـعت قـنبـله مـوقـوته

رافـضـه تـعـيش الخـدوتـه

وانـتى يا أجـسـمـل بنـوته

ما اتـسـوعـبتـش الدرس

* * *

دمـك شـخـبـط ع الأـرض

وأنا بـاتـجـمـدم البـرد

با صرخ علی حسد یُرد

وَأنا أَخرس وسط الخرس

* * *

دبل الیاسمین علی شعرك

وإنجرح الحب ف صدرك

وَأنا حالف لأدفع مهورك

لو حتی خاتنتی الشمس

* * *

ضل الدموع

قییدی الشموع وابتسمی بین الجموع
 ما تکحلش عینک بضل الدموع
 وإن حد مألک لیه قتلت الملك
 ابتسمی تانی وغیری الموضوع

* * *

لمی الحرس واستوردیلک شعب
 یستجمل الکرباج ویرضه النهب
 وإیاکی من عرش اتبنی علی حب
 وحذاری من قلب اتفطمع الجوع

* * *

قال الملك ما أجملک ف الضعف
 إیه حولک من شط عطف لعنف
 إزای قدرتی تغضی عنی الطرف
 وأنا اللي فیکی من زمن مزروع

* * *

لسه نزيف قلبي على الإسفلت
 عاتب عليكى قوليلي ليه اتقتلت
 أنا الملك وكرهت فيكى الصمت
 اتكلمي . اديني حق الرجوع

* * *

وحذارى تاجي يلبسه غيري
 حذارى م التفكير ف تغيري
 وأكيد هيتبكي عليه وتغيري
 لحظة ما أحزر قلبك المخدوع

* * *

جبيرة مستحيل

ما يهمنيش أبقي مهم
 ويهمني ألقه الأهم
 والهـم عامـل مشـترك
 نسبة نجاحك كام يا حلم؟!!

* * *

وإنته عوارك مش بسيط
 مسكت إيـره وجبت خيط
 جيت ألق الجرح الغويط
 لقيتني مضطر انهزم

* * *

مش كنت جوايه ف أمان
 وخرجت تنده ع الجيران
 كتبت إسمك ع البيان
 فبقيت لوحـدك متهم

* * *

ورجعت من مشوار طويل
 بين تهمتين ثوري وعميل

لابس جبيرة مستحيل
ويتستجير من ألف هم

* * *

وندهتيني رديت عليك
جسوايه بيثبسه عليك
عرفت أصعب حاجة فيك
باجي أرسلك يقف القلم
ما اعرفش مين فينا الأهم

* * *

طلاسم

حاولت افك طلاسمي جيتت مسفك
 لاقيتني باهرب مني واجري وافك
 خرجت جميع اشباحي من قمقي
 وفضلت اتهتته ف الكلام واعك

* * *

الخوف شبح والجوع شبح أكبر
 وأنا بجرجر رجلي واتأخر
 واحلم الاقي في ايدي سيف عتتر
 أرجع كأن الحلم لحظة شك

* * *

أجمع شجاعتي وأنده الحراس
 وأعمل ملك على نفسي مشع الناس
 ألمح حماسي بيشهر الإفلاس
 أقفل على عقلي البيبان وأسك

* * *

وسؤال يلح عليه إليه العمل
 أتعب من التفكير وأنام ف العسل
 وأجى أقوم أقلع عباية الكسل
 القه تاريخ صحيانى هلس وإفك

* * *

أصرخ عسانى ألقه لصوتى صدا
 وأسألنى نبرة صوتى ليه مجهده
 أقنعنى إن حياتى صابها الصدا
 لو افك منها عقدتى تنفك

حاولت افك طلاسـمى جبت مفك

* * *

بین الضلمه والضلمه

وأنا ماشي ف عز الليل
 ما بين الضلمه والضلمه
 ومستلنح بيسرد الليل
 ورعشه بتشبه الحُمه

* * *

لقيت ضعفي بقه ضعفي
 ونازل سيفه على كفي
 ضربني الخوف على كتفي
 وما عرفتش أقول يا أمه

* * *

قاومت وقدت ولاعتي
 حاولت إني أشوف ساعتي
 لقيت الوقت مش وقتي
 طلبت رصاصة الرحمه

* * *

وشديت رجلي عن رجلي
 صارعت بخطوتي جهلي

صـرعت بـخطوتي أملي
وعقلي يـرفض الكلمه

* * *

صـحيت وإنتي بـترقبيني
وحـضناني بـتسقينني
طردت الحـزن عن عيني
ما خفتش تاني م العتمه

ولو هـأمشي ف عز الليل
ما بين الضلمه والضلمه

* * *

أغروكي بالتجريبه

بتقولي ما أستسلمش
 عايزاني ما أتالمش -
 والشمس جوه العين
 والدبابات ع اليرمش

* * *

أغروكي بالتجريبه
 وعنيكي متعصبه
 خدعوكي بالطبطبه
 بس النهار ما رجعش

* * *

واللي معاك اختلف
 على جرح قلبي عسزف
 وبقيت مسجرد هدف
 ونشانه ما بيرحمش

* * *

صدري الرصاص زوقه
 والشمل مين فرقسه

وهُمُّهُ يَحْقُقُوا

ليه صدرى ما استحملش

* * *

لو جايه تتيعرفي

يا حبيبتى ده موقفى

ثوري بقره استنزفي

خلي الأمل ما ينمش

والشمس جوه العين

تكسر صلابة الرمش

* * *

آخر الكلمات

عايزاني أصدق إن قلبك مات
 وإتحول الحلم الجميل لسكات
 ممكن أقول على أي شيء آسف
 إلا عليك يا آخر الملكات

* * *

تشهد عليك صورتي دي ف عنيك
 ورعشتك لحظة لمست إيديكي
 ولا تكديش . أنا قلبي مزروع فيكي
 ولا تنكريش إن إحنا ذات من ذات

* * *

أنا اللي شاعر والاحسنك أسر
 والا إنتي تكوينك نسيج من شعر
 إديني فُرصه أكتب لآخر العمر
 وادمن جمالك وأعشق الإفراط

* * *

أنا فوق حصاني وإنتي وسط الحرس
 وحاجه فيكي بتبادلني النفس

إزاي أسيب إحساسي دا يتحبس
وإزاي أسيبك بين أنين وأهات

* * *

هافضل أحارب من زقاق لزقاق
وف كل شق هاشق قلب الهداء
وإن مُت فيكي بعدي فيه عشاق
وإن عشتك هارفض وجود السكات
هاتغني بيكي يا آخر الملكات

* * *

لكبح الغضب

ولو يعنى فيها إساءة أدب
 وحبسة تمرد وحنفنة غضب
 ما دمتوا جميعاً رضيتوا إستضافتي
 أرى إن واجبي إثارة الشغب

* * *

ف مستشفى همي وأنا لسه داينخ
 لقيستني بردد سؤال بس باينخ
 ليه الفرقه دبت ما بين المشايخ
 أصولي - ووصولي ومن غير سبب

* * *

وإيه دور أميركاف فض التزاع
 مع كونها رافضه الهجوم والدفاع
 بتلوى دراعي . ونفس الدراع
 بصقف به ليها ومعايه العرب

* * *

وترفض فرنسا وجود الحجاب
 وقبل ما تسأل يجيها الجواب

ولسه فتاوى كتير في الجراب
تخلينا نخجل نربي الشنب

* * *

وتزحف جيوش بن « خال دون » تجاهي
تخليني ما اعرفش فين اتجاهي
ورغم اني منسلم وعارف إلهي
خلاف المشايخ جمع لي الحطب

* * *

تعالوا معايه ومن غير غلط
وأقسم بربي إن أنا مش لبط
بما أن خير الأمور الوسط
أردت اجتماعكم لكبح الغضب

* * *

قوانیس رمضان

فوانیس رمضان ف ایدین الناس
 وفیه ناس فوانیس ف ایدین رمضان
 دول ناس بتوسوس لوسواس
 ویببنوا الضلمه ف کل مکان

* * *

وف کیسه الشیخ رمضان کوالیس
 تستوعب أي عدد فوانیس
 وإن حاول حد یقول خلایص
 ضلمة فوانیسه تقول دا شیطان

* * *

اتوضه بجهـل وروح زوره
 ما تشوفش عشان یرضیک نوره
 اقلع عقلک ترضی غروره
 تلبس عقلک تبقی الغلطان

* * *

هیقولک إن الشعـر لارنج
 هیقولک شد فرامل الأورج

إسمعله وكون شرابة خُرج

أو موت والتهمه إنك إنسان

* * *

بلا فن مقال . بلا لعب عيال

بلا مسرح جد بلا استهبال

هيصرف ليه على شئ بطل

الهدف إنكو تلبسوا أكفان

* * *

صقفوا يا ولاد لهلال رمضان

تصقيفه كمان وارضوا الصبيان

بيقول يا لاللي يقولوا أمان

فليحيا التخت ف كل مكان

* * *

سبنا البيوت لليوم وللخفافيش
 وسكننا كهف وغطيناها بالريش
 أفيشات يا خوف والا الأمل أفشات
 يوم تطلبه يوعد ولا يوفيش

* * *

لو نوح سكت ما كانتش مركب نوح
 عايشين جسد ومحتاجين للروح
 جنون نكون بالدمع أو بالنوح
 وجنون يا وطنى تكون مجرد اسم

* * *

ضبط و احضار

طلبتی ضببتي و احضاري
 وقبضتي على شمس نهاري
 ومش هالومك يا حبيبتي
 ما انا اللي سبتك تختاري

* * *

إخترتي ضربى بخرزانه
 ونسييتي إنك إنسانه
 حطيتي حلمي ف ززانه
 كلبشتي جوايه وقاري

* * *

سندت ضهرى على الحيطه
 لقيتني محكوم بخريطه
 قرفصت ما عملتش زيته
 علم سكوتني ف زواري

* * *

يا ريتني ما صعبت عليكي
 ويا ريتني نشلت عليكي

شفت الخيانه ف حواريك
 قرفت أكمل مشوارى

* * *

لكن ورجلك في الفلكه
 هاحاول أفتحلك سكه
 أنا لسه قادرع الضحكه
 ونهارى لسه ف أشعارى

* * *

خدني يا حبيبتى ف حضنك
 واتشجعي وبلاش جنبك
 ما ترضعيش الخسوف لإبنك
 وما تكسريش استمرارى

* * *

حُضن الليل

يا صاحبي حلمي إتقتل
والدم سايل سايل
وتعسبت أنام ف العسل
وكرهت حُضن الليل

* * *

شوف كنا كام من سنة؟!
وبقينا كام كلنا؟
عددنا « إتته وأنا »
حسبة تهد الحيل

* * *

ومسا بين إمام مأموم
ومسا بين هموم بالكوم
شط الحياه ملغوم
وإكتافي تعسبت شيل

* * *

يا صاحبي دي شدتك
إلبس لها شدتك

وإن شهقتي سبقتك
ما تموتش وإنته ذليل

* * *

يا صاحبي والدنيا ضلمه
قيدلي صوابك مقاومه
أنا وإنته كلمه مهمه
تجقق المسبتحيل

* * *

جسور الصمت

غلطتي يا حصاني إني ضعفت
أخطبك وأعديك جسور الصمت
حتى الحقيقه كدبه في حقيقتها
عجزت تعدي شوارع الأسفلت

* * *

الفعل له فاعل وله مفعول
والقتل فيه قاتل وفيه مقتول
وكل ما أقره ف سطر م المجهول
الاقى كلمه بتتظرنني « فهمت » ؟

* * *

الكل بيحضر ف شنطة سفر
والكل ف طابور انتظاره افتر
إنه في أول صف بس الخبـر
من كلمتين [ليه حلمت؟!]

* * *


وحيبتي مكتوفة الإيدين خايفه
واقفه بقالها سنين هناك واقفه

ولا المراكبي ييمسك الدفه
 ولاحد عارف إمته يجي الوقت

* * *

يا حصاني يا مغلوب على أمرك
 لا عرفت سري ولا قرئت سرك
 فكرك هنوصل يوم هناك فكرك
 والا أنته بعد الرحلة دي حرمت؟

* * *



دلح

معجونة مصر بدلح .. وبرقه وبطيبه
 ما فيهاش مكان للولع ولا تعرف العيبه
 سمعت كلام من جدح وقعت ودابت فيه
 خلاها تمسك صاجات مع إنه بذيبه
 وسلام ومليون سلام لو يحكمك بهلوان
 عصايتيه فيها الأمان وشياكتيه ف البيبه
 ومباح يا ست الملاح وألا ماهواش مباح
 قبل إن تقولى انفتاح .. تتفلي م البيبه

يوسف أفندي

عمنا يوسف جاب لنا يوسف لكن بيه
 طول عمـرنا عارفينه أفندي
 بس سي يوسف خـلاه بيـه
 أصل اليوسف أفندي بتاعنا كله عكار من طمي النيل
 أما اليوسف بيه فلإنه جده سي عذرا ومامته راشيل
 والمستورد طبعاً عارف إننا شعب نزيه وأصيل
 قام نيلها بعز النيله وقال تسعيرته ثلاثه جنيه
 أصل اليوسف أفندي بتاعنا طبعاً غير اليوسف بيه

لحمة الفساتين

وغليت لحمة الدكاكين
 ورخصت لحمة الفساتين
 وشفت الوسط متحزق
 وشفت الجيبه بتلزق
 وواحد صاحبي له مبدأ
 بيسأل هوه مين على مين ؟
 جاوبته دي آخر الصيحه
 وفكر العالم الناصحة
 لهن حرية الفتحه
 ولك حرية التدخين
 وشوف حرية المرأه
 وشوف الدعم ع البروتين
 بلا لحمه بلا فهقه
 كفايه يدعموا النساوين
 فشكرا سيدي التموين

بزازة

منك لله ياللي بليتنا بيتوع تمثال الحريره
 خليتهم ماسكين رقبتنا يا حبال مجدوله بحنيه
 علمم بزازة تسكتنا سموها سلام البشريه
 خلونا ضحكنا ونكتنا وأتاريها مجرد تسميه
 خدوا منا الأرض اللي حليتنا وقالوا لنا الرك على النيه
 فسلام لقطا حل أمتنا وسلام لسلام الحراميه

توليفه

صباح الفل يا وظيفه
 صباح العدل والمساواه
 جيوبنا قد إيه نضيفه
 وقربنا نقول لله
 نسينا الضاني والنيفا
 وكلنا العدس وعشقناه
 وكان القول بتعريفه
 ودلوقتي بنحفه وراه

حنيه ما يجيب لناش ليفه
 وخمسين ما يداوش الأه
 نشوف للشقة تصرفه
 تزيد الكهـربا المعناه
 يا خلق شوفولنا تولىفه
 تعالج حُمة المساواه

شعارات

لأن الحلوه بتدور على العمارات
 وقولة الحق بتزور وأنا شحات
 معايه شهاده جامعيه وممضيه
 وأكل الفول وطعميه ف جسمي رقات
 عقدت العزم والنية على جوازه
 لقيت الكل بيدور على الدولارات
 لا أصل يهم ولا معدن ولا أخلاق
 كلام أسيادنا أجدادنا طلع شعارات
 ما عدش لا حب ولا عاشق ولا مشتاق
 لأن الكل في زمن الفلوس أموات

طنش

فـرفـش و طـنـش عـيش بـلاش
 و إنـشـالـلـه عـن ابـنـك مـا عـاش
 خـلـى الـدولـار يـضـرب لـفـوق
 إنـعـاش جـنـيـهـك لـازمـه شـاش
 و مـنـين نـجـيـب مـسـتـشـفـى ذوق
 تـدي لـأمـرـيـكـا الطـنـاش
 جـرب تـدوق مـن كـاسـنا دوق
 يـمـكـن نـفـيـوق مـ الإنـتـعـاش
 لـتـجـيـبـلـنا يا ابا الشـروق
 لـتـسـيـبـنا واطـلـع عـالمـعـاش

مصمصه

يالـلـي إختـرعـتـوا الخـصـصـه
 فـين النـوايا المـخـلـصـه
 ليـكو الفـراخ و الفـخـفـخـه
 و إحنا اللـي لينا المـصـمـصـه

إنتو كروشكو متنفخه
 وإحنا جتتنا معصصه
 واللي يقول دي مسلخه
 له بندقية مُرخصه
 نرجو فضيله المشيخه
 يرفض سيادة القصة
 لأن أرض الأوليه
 محال هاترقص بالعصا

أراجوز

محظوظ سيادتك وإنته مش أراجوز
 محظوظ حقيقي لو مشيت ع الحبل
 أما إن بدأت الصوصوه يا عجوز
 رقبة جنابك هتلاقيها ف حبل

محكمه

هتشوف مصايب بين بنين وبنات
 وحاجات تشيب محكمه جنايات

إياك تصدق أي حد يقول
إحنا بقينا مسلمين خواجات

مسؤول

لو يجري ريقك ع الحقيقه كدبه
إقطع لسانك أو بسرعه أدبه
مسئول ف مديتنا بجد نضيف
ها تعمل إيه لو يوم فتحك مكتبه؟!

طبيعه

حلق يا قلبي وطير خليك على طبيعتك
عايزك تكون إكسیر وتغير على حبيبتك
الحب حلو جميل له بدايه ونهايه
إبس يا قلبي حرير وإدخلبه مقبرتك

جنون

بجنون باحبك يا حيااه بجنون
بحب فيكي الشكل والمضمون

وعندى كلمه نفسى أقولها لك
مش لاقى فيكى أي شئ مضمون

قصور

وإحنا كده عايشين في أزهى العصور
عصر النجوم والعلم عصر النور
شفت القصور مقفوله ما فيهاش بشر
ولحت ناس تانيين بتسكن قبور

ع الورق

الله يا ليل لما تشق النيل ده شق
وأشوف قمر سكتاه أميره تنعشق
والشوق مباح والحزن مكسور والجناح
أه . أه لو يكون الحلم دا مش ع الورق

شبح

السجن مش أسوار ولا قضبان
السجن مش جلاد ولا سجان

يمكن طوفان . بركان . شبح . يمكن
وشيء عجيب إنه إتبنى ف إنسان

رزق

النيل جميل والقمر بالضي ييشاغله
والرزق ملو الشبك ومراكبي ييسحايله
شدت معاه الشبك عشمي في أكلة سمك
لقت صفيح وإزاز وشوال وكيس نايلو

سباق

فوت يا بن آدم وعدي ع الحزن لازم تفوت
دي فرصتك للتحدي حقك تمل السكوت
سابق في شارع ف حاره أو حته جوه الزقاق
إزاي ما فكرتش إنك بالسرعه ممكن تموت

اللغه

لكل واحد لغه وأهد لو فهمنا اللغات
مش شرط تبقه اللغه بين البشر كلمات

أصعب طريق تعرفه . أسهل طريق تمشيه
ما أعرفش إيه اللى فىنا بيلخبط الإشارات

حرير

يا اللى إفتكرت الكون كذا مالهوش كبير
وإنك كبير بالقصر ويلبس الحرير
من قدرة الله العظيم زيك خلق
مخلوقه سكنت شرنقه من دا الحرير

بزازات

بأسمع كتير عن بنت ضربت أمها
وولد قدير . ناكر حنانها وفضلها
با عجب لقيت شاعر مُهان مُستهان
قال دول ولاد البزازات مش صدرها

أتوبيس حياه

أتوبيس حياه والبشر م الحرفيه مخنوقين
مولد . وإيه يا جدع . شيب زحامه الجنين

ما أعجبت من أي واحد . قادر يطيق الزحام
وأعجب ف وسط الزحام من بلوة المدمنين

ملل

شايفك يا نيل زعلان وكأن فارقك حبيب
قولي وفضفض يا نيل والا أجيب لك طبيب
بعد ساعات م الملل تعبت م التفكير
أنا قلت أسد المجاري يمكن ساعتها يطيب

الدعم

بسأل رغيف العيش إيه المشكلة بالضبط
قاللي عشان ما تعيش محتاج لضبط وربط
بيقولوا إني غليت وماجاز عليه الدعم
وتشوفني مهما غليت برضه بياكلني البط

خانمة

تتـشـال حـروفـي وتـتـهـبـد
وأكـسـتـب سـطـور مـلـهـاش عـدـد
أرجـع أشـسـوفـك مـن جـدـيد
أتمـنـى أكـسـتـب لـلأبـد..

الباحث عن الحب
وائل سويدان

الشاعر فري مسطور

• وائل السيد سويدان

- * مواليد سمند . . عام ١٩٦٦
- * حاصل على بكالوريوس الخدمة الاجتماعية ١٩٨٧
- * عضو فى العديد من الجمعيات الأدبية
- * شارك فى كتابة أغانى وأشعار أكثر من عرض مسرحى منها :
- * أغانى مسرحية حدوتة ملتوتة « فرقة الغد للعروض التجريبية » عام ١٩٩٨ م.
- * أشعار العرض المسرحى « على الأبواب » فرقة ومضة لعروض خيال الضل والأراجوز عام ٢٠٠٥ .
- صدر للشاعر :
- ديوان دوقى نارى طبعة أولى ١٩٩٥ م.
- تخيلى طبعة أولى ١٩٩٦ م.
- دوقى نارى طبعة ثانية ١٩٩٦ م .
- أسرك حرية طبعة أولى ١٩٩٦ م.
- مراسلات الشاعر
- الغريبة - سمند - ١٣ شارع زيدان من ش فلسطين .
- ١٢٣٧٤٠٤٧٥ / م ١٢٧٧٥٩١٩٨ .
- هوت ميل / TAFANEEN-2005

فهرس

رقم الصفحة

٥
٧
٩
١١
١٣
١٥
١٧
١٩
٢١
٢٣
٢٥
٢٧
٢٩
٣١
٣٣
٣٥
٣٧
٣٩
٤١
٤٣
٤٥
٤٧
٤٩
٥١
٥٣
٥٥
٥٧
٥٩

اسم القصيدة

حبيبتي حريتي
جنون
دو، ري، مى
إشارة مرور
وأبـدل
ليلة دخاتك
نهار مؤجل
نقطة جدل
ستائر ليلي
عفن
فى لحظة
سندوتش
مكبل بالسكوت
كشيت ملك
مسقط النور
محكمة ما اعرفش
هامش عمار
إسـتضافة
أبيض وأسود
المحطـة
عقدة عقل
عصافير الجنة
إقامة جبرية
بنتوه ساعات
حـالة
بـراح عنيكى
إعـدام
ضهرك الحنى

رقم الصفحة

إسم القصيدة

٦١	الريشيه والألوان
٦٢	رقصة الحياة
٦٥	جراحسة تجميل
٦٧	شلال نصى
٦٩	قلبي إنخطف
٧١	خبر عاجل
٧٢	لسين عظام
٧٥	مريمية
٧٧	لقنى قلبى الشهادة
٧٩	بين الضحك والنههه
٨١	خمسة وخميسه
٨٢	القلة والأبريق
٨٥	عاشق كسول
٨٧	دبل الياسمين
٨٩	ضل الدموع
٩١	جبيرة مستحيل
٩٢	طلاسم
٩٥	بين الضلمه والضلمه
٩٧	أغروكى بالتجربة
٩٩	آخر الكلمات
١٠١	كبح الغضب
١٠٢	فوانيس رمضان
١٠٥	مجرد اسم
١٠٧	ضبط وإحضار
١٠٩	حزن الليل
١١١	جسور الصمت
١١٢	قصا قيص